


# Newtbec

NEW WAY OF BEING CHURCH **Hari Minggu Paskah Keempat (Gembala Baik)**

**HARAPAN: PERCAYA, HIDUP DAN MEMBERI**

TEMA BULANAN: **BANGKIT DALAM PENGHARAPAN**



## SEKAWAN DOMBA-DOMBA, SEORANG GEMBALA

**D**ua gambaran menonjol dalam bacaan hari ini. Kita mendengar bahawa Yesus adalah tonggak yang ditolak oleh pembina-pembina. Sebelum itu, Petrus telah menyembuhkan seorang pengemis yang lumpuh sejak dari tarikh lahir. Apabila disoal oleh pihak berkuasa bagaimana dia menyembuhkan lelaki itu, Petrus menjawab di atas nama Yesus orang cacat itu telah disembuhkan. Dia menuduh mereka menghantar Yesus ke salib, namun sekarang hanya nama Yesus yang boleh menyelamatkan seluruh umat manusia.



### PETIKAN TULISAN SUCI UNTUK DIHAFAK:

Yesus berkata,  
"Akulah pintu;  
barang siapa  
masuk melalui  
Aku, ia akan  
selamat"

(Yohanes 10: 9)

Yesus menyatakan, "Akulah Gembala yang Baik". Kita adalah domba-domba-Nya. Yesus mengenali kita dan kita mengenali Dia. Dia memberikan nyawaNya untuk kita. Idea Gembala yang Baik menunjukkan hubungan yang erat di antara Yesus dengan kita. Dia bertanggungjawab ke atas kita. Seorang gembala yang baik mengenali domba-dombanya dan mereka mengikutinya. Ia jelas menunjukkan kepada kita betapa Dia mengasihi dan menjaga kita. Yesus berkata Dia akan memimpin domba-domba dan mereka akan mematuhiNya. Apabila kita tersekat dengan cabaran hidup, kita hanya mendengar rintihan sendiri, daripada mendengar Gembala Baik kita, sebaliknya kita meminta Dia untuk mendengar kita.

Jadi bagaimanakah kita mendengar Yesus dan mengenali suara-Nya? Hentikan kesibukan kita untuk seketika. Bacakan doa. Tekankan butang berhenti. Bacalah Firman Tuhan. Sememangnya, caranya banyak. **Kita hanya perlu merenung seketika untuk menentukan cara yang terbaik untuk kita.** Selepas itu, kita membiarkan diri di bawah pimpinan-Nya. Dia tidak pernah mengecewakan kita. Ingat bahawa Yesus mengatakan misi yang Bapa utuskan kepada-Nya, dia laksanakan dengan rela hati: mati untuk kita dan bangkit kembali untuk keselamatan semua - bukan sahaja domba-domba di bawah jagaan-Nya, tetapi juga mereka yang berada di luar. Dia datang untuk menyatukan orang-orang di dunia, kerana hanya ada sekawan domba-domba, seorang Gembala.

Sekali lagi, kita diingatkan bahawa kita adalah anak-anak Tuhan. Lazimnya, seseorang tidak suka-suka memanggil sebarang orang sebagai anak-nya, kecuali mereka yang bermakna kepadanya. Dan Tuhan mengasihi kita masing-masing seolah-olah kita adalah anak tunggal-Nya. Sebagai satu keluarga dalam Kristus, marilah kita beriman di atas nama kudus-Nya dan dengar suara Gembala yang Baik kita. ✚

### AYAT SUCI MINGGU INI

Kisah Para Rasul  
4: 8-12;

Mazmur 117: 1, 8-9,  
21-23, 26, 28-29;

1 Yohanes 3: 1-2;

Yohanes 10: 11-18